

嘉靖臨朐縣志

天一閣藏明代方志選刊

臨朐縣志

一九六二年六月上海古籍
書店據寧波天一閣藏明嘉
靖刻本景印原書版框高二
一·九公分寬一三·九公分

臨朐志叙

物之生也得雨露土膏之滋而後其天者全荒者
曠潦祗見其稿矣故不得其養雖造化且無以直
遂而况於人乎我

明之興已二百年海內晏然兵革不試太平之業隆
矣邇者文物日趨于勝無藝之征僭侈不經之費
如絹烏而莫之止生理衰薄殊異於先民識者憂
之

聖皇御極獨軫念瘡痍而於守令之任必勤德意嘉

靖丁未之歲夏六月家士奉命來臨朐入境省

觀民多朴野可治間有流風氣習則麤獷告訐不
能無矣事叢而獄繁負稅逋逃莫之能禦未嘗不
嘆今之朐何其遠異于昔之聞也加之飢饉征調
相尋不已民於是乎愈窮余益懼焉君子曰論治
者貴識體氣化之不齊也久矣時之所趨人亦孰
能違哉子職在牧民蓋先於是首之竊祿于茲歲
五周且半矣昕夕不忘思所以節用愛養者正賦
之外一切捐以阜民綿力非德卒亦幾有所濟夫

善俗而為之所者循吏也前事之鑒者後事之師也余則安能焉知來者之未能乎孟子惜當時諸侯去其籍顧今胸志獨無後將何述且夫萬世一心也獨不可以創脩自我而傳之耶於此考見得失將必有卓異之政舉胸之蔽措之至治不愧于今日堯舜之民者矣爰議於邑博豫川祝于草堂夏子石谿嚴子豫川草堂皆嘗考索往事嚴子嘗草創之會其遷去遂托海浮馮子終厥事焉初博訪邑志惟史令有遺志數章亦殘闕不完於是詢之耆舊采之曷碣取通志齊乘諸郡邑之志莫不詳考而折中之總目之大凡曰風土曰官政曰人物曰雜志他志名例不一今訂以四者足以統之其餘則四十有八夫志之脩合天人上下罔不登載非徒為觀美具也實以生聚教訓之大業存乎今也令之職顧不重哉故志風俗民業則直書弊源志詭寄冗兵之類則附以論斷蓋天道人事莫不有是非利害之究不去其害民者其能有濟乎是故據事以紀其實嚴辨以定其趨詩文必取其有關於


政治以審其尚皆所以示養民也勢之從違詞之
工拙繁簡又何計焉蓋燦然成書可以傳矣是志
也邑之大夫士皆有商訂不克悉錄如少洲馮子
嘗之南都過胸一閱雅有是正而石谿海浮先後
實專其任可謂有功于胸矣不穀無能為役乃其
竊志於牧民則存乎志嗣令於茲土者觀志決擇
取昔人之善銳於繼述焉可也陋余之不逮更張
而振起之焉可也吾雖未之能行猶吾之行也是
胸民不亦永有賴於斯志哉刻成因叙作志之意

以告於後之君子豫川名文草堂名雲鵬石谿名
怡海浮名惟敏少洲名惟訥已見官政人物志故
茲可畧云

嘉靖三十一年冬十一月吉旦知臨胸縣事汝南


王家士叙

臨 朐 縣



臨朐邑內圖一
臨朐境內圖一


邑內圖



縣界九十五里

南至穆陵關外沂
 西至益都縣界芥村七十五里
 北至頭鎮北里十二

臨朐胸縣



臨朐縣志目錄

風土志 凡一十八條

建置 縣名 星野 疆域 形勝

城池 風俗 民業 山水 坊廂

鄉社 街巷 市集 山寨 關梁

田土 戶口 物產

官政志 凡一十條

公署 學校 祠廟 壇壝 雜署

倉庫 鋪舍 貢賦 力役 歷宦

人物志 凡一十二條

臨朐縣志

名賢 鄉賢 進士 舉人 歲貢

例貢 薦舉 武勳 孝義 旌異

貞節 流寓

雜志 凡八條

古蹟 塚墓 坊表 寺觀 碑碣

遺事 祥異 詩文

臨朐縣志卷之一

風土志

朐小邑也山冠四鎮川走齊魯封真之典肇自
虞夏經畫分治則見于商周以來流俗在人士
宜可辨作風土志第一

建置沿革

周為齊伯氏駢邑漢置臨朐縣屬齊郡東漢屬齊國
晉屬東莞郡南北朝劉宋省入昌國縣屬齊郡隋
開皇初改逢山縣屬青州大業初復名臨朐屬北
海唐宋俱屬青州金屬益都府貞祐間析置穆陵
縣元省入益都尋置屬益都路
皇明因之屬青州府編戶一百六里

縣名及離合考

按前漢地理志臨朐屬齊郡朱虛屬琅邪郡後漢郡
國志朱虛屬北海國臨朐屬齊國晉則朱虛臨朐
並屬東莞劉宋則朱虛屬平昌郡而臨朐省入昌
國縣屬齊郡元魏更置般陽西安二縣則離革不
同至隋開皇則又改臨朐為逢山縣屬青州大業

初復名臨朐屬北海唐宋俱屬青州而不復有所謂朱虛是合為一金屬益都府貞祐間析置穆陵縣則又離之元省入益都縣尋置屬益都路我朝因之則又復合矣按周禮職方氏正東曰沂山顏師古曰沂山在蓋水經云巨洋水出朱虛縣泰山鄆道元注云泰山者東泰山也東泰山蓋漢人高大沂山之辭所謂巨洋者即瀟水也然則蓋與朱虛為臨朐之南境無疑矣在兩漢及六朝時地有分建隋唐而下併為臨朐久矣又地理志臨朐注

○臨朐縣志

三

言有伯氏駢邑郡國志亦云臨朐有三亭古駢邑則又可知春秋齊伯氏駢邑即此地也且其名臨朐者謂其臨朐山也其所以名駢邑名蓋名朱虛則不復可考矣

星野

晉天文志須女八度至危十五度為玄枵於辰在子齊之分野屬青州又曰齊國入虛六度則臨朐星野當以青州為準

疆域

東以安丘縣駟馬溝為界七十五里西以益都縣芹泉村為界七十里東西廣得一百四十五里南至穆陵關外及沂水縣地境為界一百五里北以赤澗鋪舊基外及益都縣地境為界二十里南北袤得一百二十五里

形勝

雄鎮東奠乎沂山重關南阻乎穆陵通志北引長河南控巨鎮山川之形疊秀而挺奇乃三齊襟帶之地

也
出宋縣尉黃顯脩學記

城池

土城莫考始何年築按通志元至正十七年盜起陷益都賊黨李華據此因加脩築

國朝景泰四年知縣陳安成化二年知縣卜釗二十年知縣張璉嘗相繼脩築逮正德初則垣堊不足恃兩經流賊殘破六年知縣雷登東南莅任遂力為脩築無何流賊復至果賴以守焉嗣是知縣孔泗復于城下開通馬道築墻夾之功未竟而以憂去今墻亦多壞矣嘉靖十年知縣褚寶二十五年

知縣賈東山二十六年知縣王家士復相繼脩築高二丈周圍三里濠深者二丈淺者丈餘耳其門南曰胸陽北曰古駢東曰海津西曰雲山東西二門堪輿家以為不利科第今塞之矣

風俗

史記齊世家其民闊達多匿知漢地里志其士好經術矜功名舒緩闊達其失誇奢朋黨言與行繆虛詐不情急之則離散緩之則放縱由二史之言以觀于今胸之俗不甚相遠但舒緩闊達誇奢朋黨虛詐之習視古昔變矣若所謂齊俗急功利矜功名者殆不減古昔云

民業

民勤耕農務蠶織作紬絹山居者或拾山繭作紬禹貢所謂絜絲者也亦頗種綿花為布西南鄉以果樹致饒益多麥收者好造麴交易以為利亦或養蜂收蜜懷資者或輦其土之所有走江南回易以生殖或販魚鹽其西南山社無業者或伐木燒炭燒石作灰陶土為器負販以給徭役近社之貧者

大抵以萊為業又或織菁若秫為席薄或編荊為筐筥以供衣食餅師酒戶則鱗次于市鮮不動生者古稱通工商之業便魚鹽之利至于今為近之

山水

沂山舜肇十有二州封十有二山濬川禹奠高山大川沂山其一也周禮職方氏正東曰青州其山鎮曰沂山沂山在臨朐南百餘里即古蓋與朱虛地西則遠宗岱嶽東則俯視琅邪山之顛為百丈崖有飛泉下灑曰瀑布左麓為東鎮廟或曰中有堯

○臨朐縣志

六

栢背負鳳皇嶺南有穆陵關界長城書案二嶺之間斯則沂山之靈秀為東方之巨鎮也自虞夏有望秩之典至周有埋沉之祭秦祀加車乘駟駒漢公玉帶請于武帝曰岐伯令黃帝封東泰山武帝設祠具至山卑不稱其費乃令禮官祠之而不封魏文帝瘞沉圭璋隋制取近側巫一人主知灑掃唐加王爵年別一祭牲用太牢雖歷代祀典不廢瀆經甚矣我

國初削去封號稱東鎮沂山之神錫以金龍香奩有

司春秋致祭有事則遣 廷臣祭告秩祀乃正云

通志沂山圖說

漢志謂卑小不稱其費者蓋沂山遠望之則高壓群山緣坡麓曼衍八九十里以漸而升迨至其顛則失其峻極耳齊乘

此數語得之想作者嘗親歷此山也但顛字當作下字為是

百丈崖沂山之脊東極于此從外至其下緣山之側徑而行可三二里許頗艱于陟降崖實不足百丈石壁峻立如斧劈然石罅側出松檜不知其何自生植也崖下冬有積雪須四五月乃消

瀑布水出沂山絕頂東行山顛五七里許懸流瀉為瀑布入石澗南行三四里許折而東行又三四里許亦石澗則沙底數里折而北行經大關小關至蔣峪折而東經降町趙庄白塔諸社入安丘界是名汶河俗音罷乃沂山所出水之東派也

巨洋水出沂山西麓九山社經界首冶源諸社乃斜拂治南入益都界是沂山所出水之北派也乃若

沂山南麓水母廟所出水是名沐水西南麓松仙嶺所出水是名沂水周禮職方所謂其浸沂沐是也是沂山所出水之南派也二水非臨朐境內而皆出沂山故得附載

按鄭康成云沂水出沂山水經云出蓋縣艾山今蒙陰東北地名南河川小阜之下有泉此沂源也北望沂山五十里殊無別源據周禮沂山因沂水得名康成又齊之大儒不應有誤疑沂山水源古流今竭耳齊乘

臨朐縣志

朐山在縣東南二里近瀟水自一面望之加朐故名朐山又自一面望之則如覆釜故又名覆釜山上

有淫祠

委粟山在縣東北三里水經云孤阜秀出形如委粟今名粟山上有淫祠

石膏山在縣西北入益都界漢地里志泮水所出

龍山在縣東北十里山形蜿蜒如龍故名或曰漢時有龍見此山因名相傳山之下有潭舊縣官嘗於此禱雨其以名社莫考何自始也

三陽山在縣西北二十里舊名三郎因葬

衛恭王更今名

靈山

丸山

逢山俱見雜志

龍門山在縣西北十五里與龍山對峙

堯山在縣東五十里堯水出焉逕益都壽光界而北

石門山在縣西三十里山頗奇峭石罅間側出松檜

多於仰天百丈崖山勢屈曲西向近晡時乃見日

○嶧州縣志

九

故邑人有石門晚照之說俗呼石門坊

仰天山在縣南七十里勢屈曲東向有小巖洞藏山

腰歷側徑里許穿一穴乃可達洞深高不踰尋丈

壁有石大視兩掌其光可以鑑寺僧云每月明之

夜則山巖草樹咸在鑑中未試其信否山麓有洞

深可五七丈許上有竅通天云秋月中天之夜洞

中光景頗奇故土人有仰天秋月之說山之陰有

水簾洞深可數丈泉源深遠潛通佛刹前泉井其

自洞口出者流而為河經辛庄諸社入石溝水又